



**TGAU**

**3010N10-1**

**DYDD GWENER, 13 IONAWR 2023 – BORE**

**LLENYDDIAETH GYMRAEG**

**UNED 1: Barddoniaeth**

**HAEN SYLFAENOL**

**1 awr 15 munud a'ch amser estynedig**

## DEUNYDDIAU YCHWANEGOL

Llyfryn ateb 16 tudalen CBAC (pinc).

## CYFARWYDDIADAU I YMGEISWYR

Defnyddiwch inc neu feiro du neu eich dull arferol.

UN CWESTIWN GORFODOL ar farddoniaeth sydd ar y papur hwn.

Ni chaniateir defnyddio geiriaduron.

Dylech dreulio 15 munud yn cynllunio eich ateb.

(Trowch y dudalen)

**3**

**GWYBODAETH I YMGEISWYR**

**Mae 40 marc am y cwestiwn hwn.**

**Bydd trefn a chywirdeb eich ysgrifennu yn cael eu hystyried yn rhan o'r asesiad.**

**(Trowch y dudalen)**

1. **Darllenwch y DDWY gerdd ganlynol yn ofalus.**

**Yn y cerddi mae'r beirdd yn sôn am rhyfeddodau neu brofiadau sy'n gwneud bywyd yn lliwgar.**

**CYMHARWCH y DDWY gerdd gan ddangos sut maen nhw'n DEBYG a/neu'n WAHANOL.**

**Dylech wneud hyn drwy:**

- **ysgrifennu am gynnwys y ddwy gerdd yn eich geiriau eich hun, er enghraifft:**
  - **Beth yw'r rhyfeddodau yn y ddwy gerdd?**
  - **Sut mae pethau'n newid rhwng dechrau a diwedd y cerddi?**
  - **Beth ydy neges y ddau fardd?**

**(Trowch y dudalen)**

## 5

- **edrych ar y ffordd mae'r beirdd wedi ysgrifennu'r cerddi gan chwilio am O LEIAF BEDAIR NODWEDD arddull/mesur a dweud pam maen nhw'n effeithiol**
- **nodi pa UN o'r ddwy gerdd apeliodd fwyaf atoch chi gan roi rhesymau dros eich barn.**

**Wrth ateb, cofiwch ddyfynnu'n briodol a chyfeirio at enghreifftiau penodol i gefnogi'ch sylwadau. [40 marc]**

**(Trowch y dudalen)**

## Y SBECTOL HUD

Pan fydd yr haul yn cwato'r sêr i gyd,  
 a'r nos ar goll tu ôl i ddrws y dydd,  
 pan fydd y lleuad wen ym mhen draw'r byd,  
 a'r machlud fel y wawr ar orwel cudd;  
 neu pan fydd niwl yn gwisgo'r bryniau draw,  
 a phlu yr eira'n oeri brigau'r llwyn,  
 pan fydd y blodau trist yn crio'r glaw –  
 rho bâr o sbecs dychymyg am dy drwyn.

Ti'n gweld, mae gweld yn anodd ambell  
 waith

a ninnau'n ddall i ryfeddodau'r byd,  
 am hyn, fy ffrind, cyn dechrau ar dy daith,  
 ym mhoced ôl dy jîns rho'r sbectol hud.  
 A gwisga hi, a mentra godi'r llen  
 i weld holl liwiau'r enfys sy'n dy ben.

**Mererid Hopwood**

(Trowch y dudalen)

**GEIRFA**

- \* **taniad awr – amser cynnau tân**
- \* **yr hwyr – nos**
- \* **(g)wreichion – darnau bychan o dân**
- \* **chwyrlio – hedfan**
- \* **Nain – Mam-gu**
- \* **Guto – Guto Ffowc**
- \* **haid – criw, nifer**
- \* **dwli – lol, hwyl**

## TÂN GWYLLT

Mae Tachwedd llawn rhyfeddod  
 a'r \*taniad awr eto'n dod,  
 uwch \*yr hwyr daw fflach o wres,  
 cannoedd o \*wreichion cynnes  
 yn \*chwyrlio heno'n lân  
 i'r gorwel aur ac arian.

Holl sŵn y lliw sy'n y lle  
 a'r haul ar goll yn rhywle,  
 a Mam a \*Nain yn mwynhau'n  
 y cawodydd cleciadau,  
 cawodydd o rocedi  
 fel glaw dur drwy'n hawyr ni.

Oren ac aur, yna gwyn,  
 ychydig o goch wedyn,  
 a draw, un \*Guto druan  
 ddaw i ben ar domen dân,  
 \*haid o blant yn codi bloedd,  
 a melyn fesul miloedd.

(Trowch y dudalen)

**A bore'n gwawrio'n barod  
fe ddaeth heno i beidio bod,  
mae'r fflamau a'r lliwiau'n llwch,  
a \*dwli yn dawelwch,  
lliwiau llwyd sydd hyd y lle  
a'r haul yn ôl o rywle.**

**Tudur Dylan Jones**

**DIWEDD Y PAPUR**